

SCRIPT OF EVENING GOJRI NEWS BULLETIN 5MAR 2025

1700HRS

اوننگ گوجری نیوز بولین 5 مارچ 2025

یوہ آکاشوانی جموں بے ظفر کوہلی تے نصرت تیں خبر سنو۔

HEADLINES

- ۱۔ وزیر اعظم نریندر مودی نے وکست بھارت غا روڈ میپ ور روشنی کھلتا واں عوام معشیت تے جدت طرازی مانہ سرمایہ کاری غی اہمیت ور زور دتو۔
- ۲۔ قانون ساز اسمبلی مانہ لیفٹینٹ گورنر غا خطاب ور بحث جاری مختلف جماعتاں گا رہنماواں نے اپنا خیالات غو اظہار کیو۔
- ۳۔ جموں کشمیر مانہ منشیات غی بدت ور اراکین اسمبلی غی شدید تشویش سپیکر نے مسئلہ ور تفصیلی بحث غو حکم دتو۔
- ۴۔ وزیر جل شکتی جاوید رانا نے بارش غی کمی غے باعث ور تشویش غو اظہار کرتا واں انہاں نے اس غا حل واسطے فوری سنجیدہ اقدامات غو اعلان کیو۔
- ۵۔ جموں مانہ اعلیٰ سطحی حفاظتی اجلاس تے جی او سی رازینگ سٹار کاپس نے مشترکہ سکیورٹی تے اوپریشن ہم آہنگی نانہ مضبوط بنان ور زور دتو۔

PM WEBINAR

وزیر اعظم نریندر مودی نے کہیو بے جے سرکار نے جتنی ترجیح ملک گا لوکاں معشیت تے نوی چیزاں غی پیداوار نانہ دتی بے اتنی ہی ترجیح صنعت سرمایہ کاری تے ڈھانچہ بنان غی مضبوط واسطے ترجیح دتی بے اج ویڈیو کانفرنسنگ غے ذریعے روز گار توں متعلق پوسٹ بجٹ ویبنار سنگ خطاب کرتا واں جناب مودی نے کہیو جے لوکاں مانہ سرمایہ کاری غو وزن ۳ ستونان مانہ کھلو بے جس مانہ تعلیم ہنر تے صحت بارے دیکھ بھال شامل بے سرمایہ کارے بارے گل بات کرتا واں وزیر اعظم نے اس طرح کہیو۔ تقریب مانہ گل بات کرتا واں وزیر اعظم نے یو وی دسیو بے جے اس بجٹ مانہ ملکی تے بین العوامی سیاحت نانہ فروغ دین واسطے کافی سارا فیصلہ لیا گیا ہیں انہاں نے مزید کج اس طرح کہیو۔ وزیر اعظم نریندر مودی نے مزید جانکاری دیتا واں دسیو بے جے ملک بھر مانہ ۵۰ مقامات ور سیاحت نانہ فروغ دین واسطے خاص توجہ دتی جارہی بے جس مانہ اُن جگہاں ور ہوٹلاں گا ڈھانچہ بنا غے ات سیاحت نانہ بادو دین توں علاقہ روز گار غا مواقع وی پیدا کیا جیں گا۔

LG ADDRESS

جموں کشمیر قانون ساز اسمبلی نے لیفٹینٹ گورنر خا خطاب ور شکریہ غی تحریک واسطے دوجہ تہاڑا وی بحث جاری رکھی اس بحث مانہ ریاست غی بحالی سندھ آبی معاہدہ سرکاری محکماں مانہ خالی اسمیاں نانہ پُر کرن تخصاوص پالیسی نانہ م عقول بنان بجلی پروجیکٹاں غی واپسی غا موضوعات ور تبادلہ خیال تے بحث کی گئی سرجیت سنگھ سلاتھیہ نے وزیر اعلیٰ عمر عبداللہ غی ضلاع سطح ور بجٹ واسطے تعریف کی جدکہ ڈاکٹر بشیر احمد ویری نے لوکاں غا حقوق گا تحفظ تے ترقیاتی ضروریات نانہ پورو کرن ور توجہ دتی غلام محمد الدین میر نے بے روز گاری ور تبدالہ خیال کیو تے شمیم فردوس نے جموں کشمیر نانہ مرکزی زیر انتظام علاقو بنان غی مزمت کی جموں کشمیر قانون ساز اسمبلی غا دیگر ممبراں

نے سرکار نانہہ کہیو جے وے چناؤ غے دوران عوام سنگ کیا گیا واعداں نانہہ جلدی پورو کریں۔

JKLA DRUG ABUSE

اج قانون ساز اسمبلی مانہہ وقفہ سوالات غے دوران جموں کشمیر قانون ساز اسمبلی غا اراکین نے منشیات غی بدتی لت ور گہرا تشویش غو اظہار کیو اس دوران سپیکر عبدالرحیم راتھر نانہہ انسداد منشیات غا اقدام ور بحث غو حکم دین واسطے کیو کئی قانون ساز اسمبلی ممبران نے اس معاملہ ور جانچ پڑتال کرن واسطے ایک ماہر پینل تے ہوش کمیٹی گو مطالبو کیو وزیر صہت سکینہ اتو نے اس مسئلہ غی سنگینی نانہہ تسلیم کیو تے اس سماجی للکار سنگ نمڑن واسطے اجتماعی کوششاں ور زور کہلیو علاج تے باز آباد کاری غی سہولت بارے تفصیلات دیتا وان محترمہ وزیر نے جموں مانہہ ۹ تے کشمیر مانہہ ۱۱ نشا غا علاج غی سہولیات یعنی غی دستیابی ور لو کہلی تمام ۰۲ اضلاع مانہہ او پی دی خدمات غے سنگ ایتو تے نشا مکت ابھیان غا مچبت اثرات غی وی سرہانہ کی جس غی وجہ توں نشا غا نوا معاملات مانہہ معمولی کمی آئی ہے۔

RANA PANI SAMITI

جل شکتی غا وزیر جاوید احمد رانا نے قانون ساز اسمبلی مانہہ دسیو کہ شری ماتا ویشنو دیوی حلقہ مانہہ ۵۳ پانی غی سکیمیاں یا تیں مکمل ہو چکی ہیں تے یا کم جاری ہے تانجے ساف پانی غی فراہمی نانہہ یقینی بنایو جاسکے یا گل انہاں نے اسمبلی مانہہ بلدیو راج شرما غا سوال غا جواب مانہہ کہی وزیر نے دسیو کہ جل جیون مشن غے تحت ۱۹ پانی سمیتی کمیٹیاں بنائی گئی ہیں جن مانہہ کم از کم ۰۵ فی صد خواتین غی نمائندگی ہے انہاں نے بارش غی اُناسی فی سد کمی غی وجہ تیں پانی غی قلت ور وی گل کی تے دسیو کہ حکومت پانی غی بچت بارش غا پانی نانہہ زخیرہ کرن تے نالاں نانہہ چشمان ور موڑن جیسا اقدامات کر رہی ہے اس تیں نالاں گا پانی زمین مانہہ جذب ہو غے چشمان نانہہ دوبارہ پھر سکیں گا۔ انہاں نے یقین دویو کہ اگر کسی پانی سمیتی نے کم مانہہ کوتاہی کی تاں اُس غی تحقیقات کی جے غی تے جل جیون مشن غا کم مانہہ اگر کائے خرابی وے گی تے ایس نانہہ وی دور کیو جے گو۔

GOC CONF JMU

ایک اہم اقدام مانہہ علاقائی سلامتی نانہہ تقویت دین غا سلسلہ مانہہ رائزننگ سٹار کور غا جنرل افسر کمانڈنگ تے بھارتی فوج نے جموں مانہہ ایک اہم مشترکہ حفاظتی کانفرنس غی صدارت کی اس اعلیٰ سطح میٹنگ مانہہ فوج بی ایس ایف سی آر پی ایف جموں کشمیر پولیس تے سرکاری انتیلیجینس ایجنسیاں غا اہم عہدے داران نے وی شرکت کی سلامتی تے اوپریشنل ہم آہنگی غا بڑھاوا ور توجہ مرکوز کرنو تھو کانفرنس غو مقصد ایک درجہ سنگ تعاون نانہہ مضبوط بنانو معلومات غا تبادلہ نانہہ ہموار کرنو تے خطہ مانہہ بدتی حفاظتی للکار سنگ نمڑن واسطے متحدہ حکمت عملی تیار کرنو تے ابھرتا وا خطرات واسطے زیادہ موثر تے مربوط جواب نانہہ یقینی بنانو تھو۔

YOUNG SCIENTIST UDHM

ادھمپور غا ۲ نوجوان سائنسدان سرس شرما تے مریدل کھجوریہ نے ایک زبردست ایجاد کی ہے جہیرو پہاران مانہہ سفر کرن آلا تے کاص طور ور نابینا افراد واسطے مدد گار چابٹ وے

غی اُن غی یاہ نوی ایجاد آئی آئی دہلی تے این وئی ٹی سرینگر مانہ پیش کی گئی جت اس نانہ خوب سہرایو گیو۔ یاہ کامیابی اٹل ٹینکر لینز غا منصوبہ غی کامیابی نانہ ظاہر کرے جہیڑی طلبہ مانہ تخلیقی صلاحیت تے جدت نانہ فروغ دے۔ وزیر مملکت برائے خلا تے ٹیکنالوجی ڈاکٹر جتندر سنگھ نے وی اس ایجاد غی تعریف کی۔ آکاشوانی نیوز نال گل کرتا وان سرس شرما نے اس طرح کہیو۔ تے مدیڈل کھجوریہ نے مزید اس طرح کہیو۔

POONCH FOOD COMPLAINTS

رمضان المبارک غے دوران زیادہ قیمت وصول کرن تے خراب معیار غو کھانو پیچن غی شکایت ور کارواتی کرتا وان خوارک غی حفاظت تے قانونی پیمائش غا محکمہ غی ایک ٹیم نے پونچھ غا بازاراں مانہ اچانک معاینو کیو اس کاروائی غی قیادت محکمہ خوارک غی حفاظت غا اسٹینٹ کمشنر تارق محمود نے کی۔ معاینہ غے دوران ٹیم نے خراب مٹھائیاں خراب سبزیاں تے کم وزنی کھان پین غی اشیاء بیچن آلی دکاناں غی مصنوعات ضبط کرلی تے اُن دکاناں ور جرمانو عائد کیو گیو۔ آکاشوانی نیوز نال گل کرتا وان اسٹینٹ کمشنر نے دسیو کہ ٹیم نے خوارک غی حفاظت تے معیار غا اصولاں غی خلاف ورزی پائی ہیں۔ اس کاروائی غے دوران ۶ دکانداراں نانہ جرمانو کی وگیو تے جانچ واسطے تقریباً ۱۰ نمونہ جمع کیا گیا ہیں محکمہ خوارک غا اسٹینٹ کمشنر نے مزید اس طرح کہیو۔

POONCH DAIRY

پونچھ غا دودھ آلا شعبہ مانہ بڑی پیش رفت تحصیڈیل ہویلی مانہ ۲ اتو میتک دودھ جمع کرن آلا یونٹس غو افتتاح کیو گیو یوہ یونٹس کھانتر دودھ تعاون ساسائٹی تے سین بابا کود معاون گروپ نے قائم کیا ہیں یوہ منصوبہ جامع زرعی ترقیاتی پروگرام غے تحت ایک اہم سنگ میل بے ضلع ترقیاتی کمشنر پونچھ وکاس کونڈل تے انیمل ہزبنڈری غا چیف آفیسر ڈاکٹر شیکھ مہمد یونس نے اس غو افتتاح کیو۔ اس غو مقصد دودھ گا بنیادی ڈھانچہ نانہ بہتر بنانو دبی علاقہ نانہ باختیار بنانو تے دودھ غا معیار نانہ بہتر کرنو بے مقامی کساناں تے عوام نے اس قدم نانہ سہرایو۔
